



## **Repetitio Clem. I. Ut Clericorum De Officio Ordinarii**

**Aufréri, Étienne**

**Leodii, 1702**

Octava Quæstio. Occasione præmissorum queritur an Clericus pro quolibet gravi crimine veniat deponendus.

---

[urn:nbn:de:hbz:466:1-63069](https://nbn-resolving.org/urn:nbn:de:hbz:466:1-63069)

ri Clericos, quod etiam in exilium mitti possint, ibidem tradit Dias cap. 137. Mattheus Boys D.

Veruntamen no. Sicu. in cap. irrefragabili. §. cate-  
cum de offi. ordina. quod praelati de facili in correctio-  
ne excessuum non debent imponere pœnam pecunia-  
riam. Oritur enim ex hoc contra eos præsumptio, quod  
correctionem faciant, non propter Deum, sed propter  
quæstum pecuniæ.

- iii Nec etiam istam pœnam pecuniariam convertere de-  
bent in utilitatem propriam, sed in pios usus, nisi evi-  
denter indigeant, & si intelligitur. cap. dilectus eod.  
tit. idem Bald. in l. 2. in princi. C. de Episco. audien.  
& in authen. bona damnatorum. C. de bonis præscript.  
ubi dicit quod Episcopus deberet applicare pœnas  
fisco Romanæ Ecclesiæ: quia sicut voluit idem Bald.  
super rubrica. C. de privileg. fisci. Episcopus non ha-  
bet fiscum, de consuetudine tamen servatur contra-  
rium fa. quod in simili. not. in l. 3. C. de modo multæ.  
ubi dicitur quod iudex pecuniariam pœnam potest ap-  
plicare ad opera publica, puta refectionem murorum,  
pontium & similia, & si specialiter non deputat ad  
opera publica, sed simpliciter multat seu condemnat,  
commodum applicatur fisco & non iudici, ita not. dicit  
illa l. vide ad materiam quod not. Ioan. And. post Ho-  
stien. in alleg. cap. 1. de homi. lib. 6. ubi dicit, quod  
Prelatus potest multare & disponere, ut præmissum  
est, & vide per Sicul. præall. cap. licet, de pœnis.

## OCTAVA QUÆSTIO.

Occasione præmissorum queritur  
an Clericus pro quolibet gravi  
crimine veniat deponendus.

Et

ET videtur primo quod non, quia si recte ponderetur *tex. in cap. tua. de poenis*, non est de mente ipsius, ut pro quolibet gravi crimine mortali quis Veniat deponendus, nisi sit magnum; imò nec beneficio debet privari, nisi crimen sit grave: ita dicitur not. *in cap. inventum. 16. q. 7.* dic post Sicul. *in præall. cap. tua*, quod in variis juris partibus disputatur, quæ sunt gravia delicta, de quo *in l. 1. C. de requir. re. & in l. ad ea. ff. de regul. jur. Bart. plenius in l. non solum. de injur. & l. levia. ff. de accusa. & l. aus facta. ff. de pen. & gloss. in l. auxilium. ff. de mino.*

## A D D E.

De depositione vide latissimè Menochium casu arbit. 415. Ubi tradit quid differant depositio & degradatio, quæ duplex est, Verbalis & Realis. Idem Clarus in Crim. q. 74. ubi tradit quod Clericus deponi non possit, nisi propter grave crimen. Item Clericus pro tribus criminibus tantum æqualiter degradari potest, puta pro heresi, falso in Apostolicis literis commisso, & conspiratione in proprium Episcopum, ut notat idem Clarus q. 36. n. 37. ubi addit quod in aliis criminibus, quantumcunq; gravibus delictis, etiamsi summum Pontificem occidisset, non debet degradari, si paratus sit se corrigere, sed detrudi debet in perpetuos carceres. Vide desuper egregiam decisionem Benedicti de homicidio. post tertiam partem in cap. Rainautius. Mattheus Boyß D.

Unde dicendum est, quod quædam delicta dicuntur levia, quædam gravia, quædam gravissima. Levia dicuntur ubi dolus non requiritur, ut quando aliquid contigit per imperitiam vel culpam sine dolo, vel quando dolus intervenit, sed circa rem modicam, ut furtum modicæ rei inter domesticos. *l. respiciendum. ff. de pœnis & in allega. l. levia. & cap. cum delicti. de accusa.* Delicta vero gravia sunt, in quibus exigitur dolus & tendunt in alterius grave præjudicium seu rei publicæ & magna imponitur, ut in furto, perjurio, & similibus, ut in *cap. cum non ab homine de judi.* Graviora vero sunt crimina publica, & quandoque non imponitur pœna mortis. Gravissima ubi mortis imponitur pœna: ex gravitate enim pœnæ deprehendimus quantitatem & qualitatem delicti. *24. q. 1. cap. non offeramus.*

## A D D E.

*Delictum quod grave dicatur, vide Menochii casu arbit. 266. nu. 6 Mattheus Boyss D.*

Ad propositum igitur, aut Clericus committit levia crimina, & non debet deponi, nec etiam beneficio privari, sed poterit ad tempus suspendi, vel aliter corripri ad arbitrium judicis. ut in *dicto cap. cum delicti:* aut committit gravia, & poterit deponi. Si verò graviora, quanquam non publicatus, poterit ultra depositionem detrudi in monasterium, ut in *praell. cap. tua.* Si verò gravissima, ita quod de jure civili puniretur pœna mortis; & tunc poterit deponi, & damnari ad perpetuum carcerem. ut in *cap. penul. de here. & in cap. novimus de ver. signifi. & in cap. 1. de heret. lib. 6.* unde not. dicit. Inno. in *cap. qualiter in 2. de accusa.* quod ista deputatio ad per-

perpetuum carcerem post depositionem æquiparatur pœnæ mortis, & rarissimè debet infligi, nisi ut dictum est pro istis gravissimis sceleribus: posset tamen delictum adeò perniciosum esse exemplo, & qualificatum ut traderetur illicò post depositionem judici seculari, ut *in cap. novimus alleg. cap. cum non ab homine*, & *ibi Sicut. post Pet. de Ancha*. & *in cap. at si Clerici de judi.*

## ADDE

*An Clericus ad perpetuos carceres condemnari possit, Vide Ignatium Lopes in praxi Crimin. cap. 140. ubi latissimè & doctissimè de perpetuis carceribus, quod de jure non obtineat, adeò si judex eam imponat pœnam, sententiam fore nullam. De jure verò canonico tantum locum habere. Vide aliquid per Menochium in arbitra. q. 89. n. 9. Matth. Boyst D.*

Quæ autem crimina dicantur publica secundum jus Civile. vide *in l. 3. in fin. ff. de prævar.* & *ibi Bart. & Io. de Imol. in l. fin. ff. de priva delict.* & *in l. 2. ff. de concussi.* secundum jus canonicum omne crimen dicitur publicum, quia ad publicum judicium spectat puniri, ut *in cap. de crimina. de collu. detegen. in glo.*

## QUÆSTIO NONA.

Quæritur, qualiter Clerici de incontinentia sint puniendi.

**I**N concubinario multæ sunt pœnæ, de quibus *in tit. de cohabitatio. Clericorum & mulierum, per totum, & per Hosti. in sūma eodem tit.*

ADDE